

*Aut Favor aut magni Spes non incongrua questus:
 Ergo Virago ades, uxoris monumenta futura
 Excipe, te semper ducat Divina voluntas,
 Arbitriumq; Parentum unà, clàm nubere noli,
 Nevè oculos sequere incautos, addantur & aures.
 Labile Forma Decus, Pietas, Prudentia, Virtus,
 Conciliare Virum debent, Electio tuta hac.
 Si te igitur tale DEUS est dignatus Honore,
 Ex propria Donum hoc temerè non abjice culpâ,
 Artis opus, retinere sibi, stabilique locare
 Sede Bonum acceptum, Vanum & Variabile Mundus.
 Gnata DEI unius Constantia creditur esse,
 Quæ non mutatur, velut immutabilis Ipse est.
 Ergò precare DEUM, vobis immittat Alumnam hanc.
 Inde Operam nova, nunquam immemor, esse jubenti
 Parendum usque Viro, quod si Is sapiensque bonusque,
 Haud absurda petet, fas ergò ut jussa capeffas.
 Si malus, insipiens, stolidus, qui Incendia litis
 Ex facili rapit; Haud tu primâ fronte negabis
 Contendesq; diu verbis, magis asper in iras
 Ut præceptis eat, at postquam deferbuit ardor,
 Mollibus instituas verbis, clementer inherens,
 Et placidè referens; quæ hinc emergentia vobis
 Damna timenda olim, & meliori tramite duces,
 Quæque voles faciet, vi traxeris? Isquè reniti
 Cæperit? Imperio vel vi trahet ille trahentem.
 Impensis onerare cave, desiste moveri,
 Nec desiderii nimio vel abutere Fastu,
 Multivola, & Novitatis amans & Vasta requirens,
 Pomposos Habitus vita, mediocriter ambi
 Mundiciem, Inquè domo, vestitu & Corpore serva.
 Sedula non minus officio des vela vocanti,
 Subsidiūquè Viro ferto, undique, quâlibet horâ.
 Continuo debes studio curare Culinam,
 Nevè Cibis quicquam desit, neu Nausea mensam
 Incolat, hoc sanos præservat divite Lucro.*